

# INUIT ATAQATIGIIT INATSISARTUNI



UPA2022/117

12.05.22

Hans Aronsen

## **Qanoq iliorluta nioqqutissat nunarsuatsinni akiisa sorsunnerup kingunerisaanik qaffakkiartupiluulernerat innuttaasunut kingunerluutaanginnerpaamik inissinniarlugu suliarisinnaavarput?**

(Siumup Inatsisartunut ilaasortaaitai)

Siullermik: Siumup Inatsisartuni ilaasortaaitanit Inatsisartut Suleriaasiat malillugu § 36 naapertorlugu apeqquteqaat aallaavigalugu Inatsisartut oqallisigisassaannik saqqummiussinissinnut qujanaq:

Ulorianarluinnartut sakkulersorluni nalagaaffiit nunallu akornanni sorsuunneq Inuit Ataqatigiinnit akuersaanngisaannarparput. Ukrainemut Russit sorsulerneranniik ullut tamaasa sakkortusiartortumik aporaannernit pisut tusangassiutitigut inuinnaallu oqallittarfiisigut malinnaavigeqqissaarpagut.

Sorsuunnermi pisut amiilaarnarsiartuinnarput, meeqqat innarluutillit utoqqaat ilami kikkulluunnit saassusinerni sakkortuuni apeqqutaatinneqaratik qaartartunik nakkaatitsivigineqarput. Allaat meeqqat atuarfii ilinniarfiit napparsimaviit allarpassuillu suujunnaarsinneqartut malinnaaffigaagut. Sorsunneq taamaattoq nunatsinnut eqqissisimanngissutaasoq inuit Ataqatigiinniik naaggaarluinnarparput.

Sorsunneq nunat taakku pissaanilissuit akornanni kisimi malunniutingilaq, nunarsuarmut tamarmut sutigut tamatigut pitsaanngitsumik sunniuteqaleriartorpoq. Nunatsinnullu atungarissaarnikkut sunniutit sakkortusinnaasut ajornartorsiutigilersinnaasagulli, misigiartulertussaagigut qularnangilaq. Sorsunneq annertusiartuinnassappat, aningaasallu nalingata pitsaanngitsumut inissikiartulernissaa allaqussinnaajunnaartussaasoq

# INUIT ATAQATIGIIT INATSISARTUNI



qularutissaangilaq. Peqqumaatigummi nalikinnerusumik avataaniik pissarsiarisimasagut soorunami nugukkiartulersussaammata iliuusissanik pitsaasunik eqqarsaqatigiittariaqarpugut.

Tamanna oqartussaasuni tamani annertuumik pisussaaffiliivoq, maanilu inersuarmi apeqqutinik siunissami iluaqutigisassatsinnik ajornartorsiutigilersinnaasatsinnillu siornigiilluta aaqqissuusinnissatsinnik qulaajaanitsinni, peqqissaarluinnartumik oqalisiginissaa Inuit ataqatigiinniit kissaatigilluinnarparput.

Govid 19-nimmi atuunnerani pissut kinguneri ullumikkut atungarlorfingaavut, tamassumali aamma takutippaa pisartussanut naatsoruutigigisatsinnut aamma suli tamatigut sillimaniarluta naleqqussartariaqartugut.

## **Nukissiuutit mingutitsinngitsut:**

Ikummatissamik uuliamik pilersorneqarnerput suli annertuallaarpoq. Nuaqarfiit illoqarfiillu avinngarusimasumiittut nukissiuutit migutsitinngitsut atorlugit pilersungaanerat nukittorsarneqassappat pitsaaqutit ajoqutaasinnaasoqarpallu ajoqutit misissorneqartariaqarput. Nukissiuutit taamaattut avataanit annertuumik ikiorteqanngikkaluarluta immitsinnut pilersuutigisinnaalluarpagut.

Nukissiuuteqarnikkut inoqarfiit anginerit amerlanerpaallu innaallagissiorfinnit pilersorneqarnikkut inissisimalluarpud. Taamaattorli taakkunani innaallagiq pilersinneqartoq tamarmi atorluarneqartariaqarpoq. Innaallagissiorfinnilu nukittorsartariaqartuni aamma suli pilersuineq tamakkiisunngortinniarlugu sukkanerusumik inerisaasariaqarpugut.

Innaallagissiorfinni atortut ajortikulasut taarsertuangassallu pisarumaartussanut siornigiinikkut ukkatarineqarluarlik.

## **Imminut pilersorneq:**

# INUIT ATAQATIGIIT INATSISARTUNI



Pisariaqaleraluttuinnarpoq isumaqatigiissutigissallugu inuussutissatigut Imminut pilersornerput sakkortunerusariaqartoq. Nunatta iluaneersunik soorlu nukissiuutit atorluarnerisigut naatitanik pilersorsinnaanerput inerisarneqarsinnaavoq. Nunattalu pissarititai piniartakkagut aalisartakkavullu, nunatta iluani pisiniarfitsigut nioqqutigilerneqarsinnaaneri naalakkersuinikkut sulinitinni pingaartilluinnarpagut.

Ullumikkut pisiniarfinnut iseraanni nunatta pissarititaanik qerititsiviit isuatungaani takusassaqartarnerput naammanngilaq. Amerlanertigut aalajaatsumillu pisiassat taakkuinnaakkajuttarmata. Nunatta inuussutissatigut pissarititai Immitsinnut pilersuutigisinnaasagut pisariaqartittuaannartussaavagut.

## **Avataaniik pilersuineq:**

Nioqqutissat aalajangersimasut nunanit allanniit ullumikkut pissarsiarisartakkavut amerlasuut Qallunaat nunaatigooqqaartartut nalilersorneqarsinnaasariaqarpoq.

Aqqutit toqqaannartut atorlugit avataanik pilersorneqaatigisavut pisariaqarteqisagullu pisiffigisatsinniik nunatsinnut toqqaannartumik assartorneqarnerannut apeqqut soqutiginarluinnarpoq sammilluassallugu.

Naalakkersuisulli ikiorsiinemik aaqqissuussigallarnernik assingusunilluunniit allanik iliuuseqarnissaq ingerlaavartumillu nalilersuiniarnerat pitsaasutut inuit Ataqatigiinniik isingaارput. Ullumikkummi nunap immikkoortuisa ilaani inuussutissatigut pisiassat akisoreersut suli akisuneruleratarsinnaanerinut aarlerinartumut, arlaatigut ikiorsiisariaqalernissamik pisariaqartitsisoqarnerulertussaammat.

# INUIT ATAQATIGIIT INATSIARTUNI



Aalisakkat avataanut tunisakkatta iluanaarutitai suliffissuarnilu  
sinneqartoorutaasut, taakku sinerissap qanittuani aalisartunut tunisatigut akinik  
qaffaassutigineqarsinnaappat.

Aningaasaatitta nalgisa ullumikkut ineriartornerat qanoq inissisimava.

Imminut pilersorneq.